



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ars Bonæ Mortis. Sive: Quotidiana Erga Sanctissimam Dei Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, [ca. 1708]**

XX. Maji.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)



**S** Bernardinus Senensis, Marianis imaginibus devotissimus, coronam B. V. nudis genibus nixus corde attento recitans eam videre ac audire meruit sic loquentem: Bernardine devote mi famule, multum hæc tua devotio mihi complacuit. Super ejusdem, laudes Deiparæ prædicantis, caput, uti & super defuncti cadaver illustris stella visa est radiare. *Chron. Min.* Filii lucis sunt, qui sunt clientes stellæ Maris MARIÆ.

S. Bernardine qui sola tui præsentia minus castigatos compescuisti sermones, quique adolescenti splendido, sed impuro in æde sacra foeminas oculis venanti, ex vero prædixisti infami cum morte infamem vitam clausurum, arce à corde meo, à lingua & oculis meis, quidquid Deiparæ posset displicere, doce me vicissim, ita MARIAM amare, ut illa in me sibi complaceat. O Sanctissima &c. *f. 2.*

Ad quod impetrandum itineri me non committam, nisi exemplo hodierni Ludovici pii Reg. Gall. iconem Deiparæ sociam itineris mecum accipiam.

Patrocinium tuum ô MARIA majus est, quàm ut intelligentiâ apprehendi possit. Potens est tuum ô Virgo auxilium, & non indiget aliquo alio ad DEUM intercessore.

*S. Germ. de Zona Vir.*

Quæstio: An jus Regni Israël legitimâ successione ad B. V. devolutum sit? *v. Vegain Theol. Mar. n. 904.*

XXI. MAIL.